



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Gulæ & ebrietatis mala, ex antiquis exemplis.

urn:nbn:de:hbz:466:1-45701

fiduciam erga Patrem cælestem, ad pœnitentiam, vitæque male
actæ seriam emendationem; ad humanæ miseriæ notitiam, ex-
perientiamque; nec non ad opera misericordiæ & charitatis erga
indigentes exercendæ. Denique ad calamitates in Inferno exti-
turas impendio meditandas. Ita famæ & cos est ingenij, & ma-
ter pariterque proles abstinentiæ; & pretium cibi; & sanitas
membrorum; & virga summi Pastoris oves suas in viam reu-
cantis; etiam occasio fidei, fiduciæque & spei nostræ in Deum ex-
citatio; & stimulus atque incitamentum charitatis; denique
omnium virtutum vel occasio, vel magistra. Quæ paulò adhuc
impensis commonstranda sunt; præsertim de fame, extra natu-
ræ modum ordinemque, è vero morbo, aut per sterilitatem, ho-
stémue inducta.

Quod si ergo interdum famæ humanum genus durius in-
festat, non imicandi sunt illi, de quibus dicitur: *famem patientur.* Psal. 58. 7.
ut canes, & circuibunt civitatem, latrantes: nam ecce loquentur in
ore suo, & gladius in labijs eorum: quo diuinæ prouidentiæ iugulum
petentes, dicent: *quoniam, quis audierit, scilicet nos panem flagi-*
tantes? *Et tu, Domine, deridebis eos,* quia famem, non ut homines
animo æquo, sed ut canes, sine ratione, patiuntur. Apud homi-
nes mente præditos, clarum est, famem, vel tamquam pœnâ, vel
tamquam medicinâ à Deo immitti, qui facit, quod homines fa-
ciunt, equum effrænem, aut accipitrem, falconemque in aucupia
domare cupientes. Qui enim refractarium sentit caballum, aue-
nam illi subducit, cuius abundantia animaduertit, eum ferocire.
Accipitrem etiam, qui volunt cicurare, captum insomnia inedia-
que fatigant; somni ademptio mitem reddit, priuatio cibi, appe-
tentem atque ad manum aucupis escam ostentantis aduolan-
tem. Cùm igitur sagina & saturitas panis etiam homines faciat
insolentes, inediâ domandi sunt.

Fieri mortales intemperanter pastos, minùs ad Dei obse-
quium idoneos, immò insolecere, & vitulari, ostendit Moyses, Exod. 32. 6.
cùm scripsit: *sedit populus manducare & bibere, & surrexerunt lu-*
dere; nempe quando circa vitulum saltitauit, more vitulorum,
aliaque multa indigna fecit. Quid Sodomitis nefandius? Ecce Ezech 16. 49.
hac fuit iniquitas Sodome fororis tuae, superbia, saturitas panis & abun-
dantia

48 Cap. V. In ipsa etiam fame, divina iudicia esse.

Gen. 9. 21.

dantia, & otium ipsius, & filiarum eius: & manus egeno & pauperi non porrigebant. Noë bibens vinum inebriatus est, quid inde secundum est? & nudatus est in tabernaculo suo. O quanta in vino secreta reuelantur? quanta saepe in lucem prodit turpitudo! Filiae Lot ad incestum, qua via peruererunt? Audi consilium feminæ; & filiae de patre ad sororem loquentis: *Veni, inebriemus eum vino, dormiamus cum eo.* &c. Dederunt itaque patri suo bibere vinum nocte illa: & ingressa est maior, dormivitque cum patre: at ille non sensit, nec quando accubuit filia, nec quando surrexit. Altera quoque die dixit maior ad minorem: *Ecce dormiui heri cum patre meo, demus ei bibere vīnū etiam hac nocte & dormies cū eo &c.* Dederunt etiam & illa nocte patri suo bibere vinum, ingressaque minor filia dormivit cum eo: & ne tunc quidem sensit, quando concubuerit, vel quando illa surrexerit. Ad eamdem impudicitia palastram, quo pacto se Mart

Judith 12. 20. ius ille Iudithæ procus armavit? Et jucundus factus est Holofernes ad eam, bibitque vinum multum nimis, quantum numquam biberat in vita sua. Nempe à Cerere & Baccho ad Venerem itur, quæ frigida es-

Ester 8. 10. set, nisi vino caleret. Reginam Vashti quando assuerus voluit oculis satraparum populorumque suorum prostituere? Die septimo, cùm rex esset hilarior, & post nimiam potionem incaluisse mero, pracepit Maumam, & Bazatha, & Harbona, & Bagatha, & Abgatha, & Zethar, & Charchas, septem Eunuchos, qui in conspectu eius ministrabant, ut introducerent reginam Vashti coram rege, posito super caput eius diademeate, ut ostenderet cunctis populis & principibus pulchritudinem illius: erat enim pulchra valde. Si sobrius fuisset, minus id fecisset. Cur enim fecit? vt de eius venustate superbiret, an vt alios quoque flamma Cupidinis incenderet? Sibi uxori duxit, non vt produceret alijs meretricem.

IV.

Matth. 14. 8. Atque vt è nona legi exemplum recenseam, nonne Herodes inter epulandum à saltatrice captus, Ioanni Baptista viro innocentissimo maluit caput auferre; quam impurissimam incestuofissimamque matrem saltatricis costristare? Et Epulo ille ferculorum multitudine pñne obrutus, tantò minus succurrit fami alienæ, quanto ipse eam minus sensit. Itaque quod plus ei Deus dedit, eò minus ipse dedit alijs, etiam avarus, vt posset esse gulosus. Abundantia fecit immisericordem, quia crapula avaritiam auxit. Timuit

Lue. 16. 22.